

大慧禪師發願文

唯願某甲道心堅固長遠不退四體輕安身心勇猛  
衆病悉除昏散速消無難無災無魔無障不向邪路  
直入正道煩惱消滅智慧增長頓悟大事續佛惠命  
度諸衆生報佛祖之恩次冀某甲臨命終時少病少  
惱七日已前預知死至安住正念末後自在捨了此  
身速生佛土面見諸佛受正覺記分身法界遍度衆  
生十方三世一切諸佛諸尊菩薩摩訶薩摩訶般若  
波羅密

坐禪儀

夫學般若菩薩先當起大悲心發弘誓願精修三昧  
誓度衆生不爲一身獨求解脫爾乃放捨諸緣休息  
萬事身心一如動靜無間量其飲食不多不少調其  
睡眠不節不恣欲坐禪時於閑靜處厚敷坐物寬繫  
衣帶令威儀齊整然後結跏趺坐先以右足安左陛  
上左足安右陛上或半跏趺坐亦可但以左足壓右  
足而已次以右手安左足上左掌安右掌上以兩手  
大姆指面相拄徐徐舉身前後左右反復搖振乃正  
身端坐不得左傾右側前躬後仰令腰脊頭頂骨節



相拄狀如浮屠又不得聳身太過令人氣急不安要  
令耳與肩對鼻與臍對舌拄上腭唇齒相著目須微  
開免致昏睡若得禪定其力最勝古有習定高僧坐  
常開日向法雲圓通禪師亦訶人閉目坐禪以謂黑  
山鬼窟蓋有深旨達者知焉身相既定氣息既調然  
後寬放臍腹一切善惡都無思量念起卽覺覺之卽  
失久久忘緣自成一此坐禪之要術也竊謂坐禪  
乃安樂法門而人多致疾者蓋不善用心故也若善  
得此意則自然四大輕安精神爽利正念分明法味  
資神寂然清樂若己有發明者可謂如龍得水似虎

靠山若未有發明者亦乃因風吹火用力不多但辨  
肯心必不相賺然而道高魔盛逆順萬端但能正念  
現前一切不能留礙如楞嚴經天台止觀圭峯修證  
儀具明魔事預備不虞者不可不知也若欲出定徐  
徐動身安詳而起不得卒暴出定之後一切時中常  
作方便護持定力如護嬰兒卽定力易成矣夫禪定  
一門最爲急務若不安禪靜慮到這裏總須茫然所  
以探珠宜靜波動水取應難定水澄清心珠自現故  
圓覺經云無礙清淨慧皆依禪定生法華經云在於  
閑處修攝其心安住不動如須彌山是知超凡入聖



必假靜緣坐脫立亡須憑定力一生取辨尙恐蹉跎  
况乃遷延將何敵業故古人云若無定力甘伏死門  
掩目空歸宛然流浪幸諸禪友三復斯文自利利他  
同成正覺

石頭大師參同契

竺土大仙心東西密相附人根有利鈍道無南北祖  
靈源明皎潔支派暗流注執事元是迷契理亦非悟  
門門一切境回互不回互回而更相涉不爾依位住  
色元殊質像聲本異樂苦暗合上中言明分清濁句  
四大性自復如子得其母火熱風動搖水溼地堅固  
眼色耳音聲鼻舌鹹酢然於一一法依根葉分布  
本末須歸宗尊卑用其語當明中有暗勿以暗相遇  
當暗中有明勿以明相觀明暗各相對比如前後步  
萬物自有功當言用及處事存函蓋合理應箭鋒拄



承言須會宗勿自立規矩觸目不會道運足焉知路  
進步非近遠迷隔山河固謹白參玄人光陰莫虛度

參 同 契 終

寶鏡三昧

如是之法	佛祖密付	汝今得之	宜善保護
銀盃盛雪	明月藏鷺	類之弗齊	混則知處
意不在言	來機亦赴	動成窠臼	差落顧佇
背觸俱非	如大火聚	但形文彩	卽屬染污
夜半正明	天曉不露	爲物作則	用拔諸苦
雖非有爲	不是無語	如臨寶鏡	形影相覩
汝不是渠	渠正是汝	如世嬰兒	五相完具
不去不來	不起不住	婆婆和和	有句無句
終不得物	語未正故	重離六爻	偏正回互



疊而爲三	變盡成五	如草味	如金剛杵
正中妙挾	敲唱雙舉	通宗通塗	挾帶挾路
錯然則吉	不可犯忤	天真而妙	不屬迷悟
因緣時節	寂然昭著	細入無間	大絕方所
毫忽之差	不應律呂	今有頓漸	緣立宗趣
宗趣分矣	卽是規矩	宗通趣極	眞常流注
外寂內搖	繫駒伏鼠	先聖悲之	爲法檀度
隨其顛倒	以緇爲素	顛倒想滅	肯心自許
要合古轍	請觀前古	佛道垂成	十劫觀樹
如虎之缺	如馬之鼻	以有下劣	寶几珍御

以有驚異	狸奴白牯	羿以巧力	射中百步
箭鋒相直	巧力何預	木人方歌	石女起舞
非情識到	寧容思慮	臣奉於君	子順於父
不順非孝	不奉非輔	潛行密用	如愚若魯
但能相續	名主中主		

寬延庚午之春先師在駿州菴原大乘提唱碧巖  
 集會中一朝召予曰夫法隨入益深昔日在正受  
 室參詳尤久矣雖究變盡成五之大事於格師兄  
 行住不穩凡三十餘年也至于今日始徹底盡其  
 蘊奧比前所得如影響是故書以與諸子



智者大師圓頓章

圓頓者初緣實相造境卽中無不真實繫緣法界一念法界一色一香無非中道已界及佛界衆生界亦然陰入皆如無苦可捨無明塵勞卽菩提無集可斷邊邪皆中正無道可修生死卽涅槃無滅可證無苦無集故無世間無道無滅故無出世間純一實相實相外更無別法法性寂然名止寂而常照名觀雖言初後無二無別是名圓頓止觀



雙林善慧大士心王銘 出會元卷二

觀心空王	玄妙難測	無名無相	有大神力
能滅千災	成就萬德	體性雖空	能施法財
觀之無形	呼之有聲	爲大法將	心戒傳經
水中鹽味	色裡膠青	決定是有	不見其形
心王亦爾	身內居停	面門出入	應物隨情
自在無礙	所作皆成	了本識心	識心見佛
是佛是心	是心是佛	念念佛心	佛心念佛
欲得早成	戒心自律	淨律淨心	心卽是佛
除此心王	更無別佛	欲求成佛	莫染一物



心性雖空	貪瞋體實	入此法門	端坐成佛
到彼岸已	得波羅密	慕道真士	自觀自心
知佛在內	不向外尋	即心即佛	即佛即心
心明識佛	曉了識心	離心非佛	離佛非心
非佛莫測	無所堪任	執空滯寂	於此漂沉
諸佛菩薩	非此安心	明心大士	悟此玄旨
身心性妙	用無更改	是故智者	放心自在
莫言心王	空無體性	能使色身	作邪作正
非有非無	隱顯不定	心性雖空	能凡能聖
是故相勸	好自防慎	刹那造作	還復漂沉

清淨心智	如世黃金	般若法藏	悉在身心
無為法寶	非淺非深	諸佛菩薩	了此本心
有緣遇者	非古來今		



永明壽禪師萬善同歸偈

菩提無發而發	佛道無求而求	妙用無行而行
眞智無作而作	興悲悟而同體	行慈深入無緣
無所捨而行檀	無所持而具戒	修進了無所起
習忍達無所傷	般若悟境無生	禪定知心無住
鑒無身而具相	證無說而談詮	建立水月道場
莊嚴性空世界	羅列幻化供具	供養影響如來
懺悔罪性本空	勸請法身常住	迴向了無所得
隨喜福等眞如	讚歎彼我虛玄	發願能所平等
禮拜影現法會	行道足攝眞空	焚香妙達無生



永明壽禪師高僧同歸集  
誦經深通實相 散華顯諸無著 彈指以表去塵  
施爲谷響度門 修習空華萬行 深入緣生性海  
常遊如幻法門 誓斷無染塵勞 願生惟心淨土  
履踐實際理地 出入無得觀門 降伏鏡像魔軍  
大作夢中佛事 廣度如化含識 同證寂滅菩提

三祖僧璨大師信心銘

至道無難唯嫌揀擇但莫憎愛洞然明白毫釐有差  
天地懸隔欲得現前莫存順逆違順相爭是爲心病  
不識玄旨徒勞念靜圓同太虛無欠無餘良由取捨  
所以不如莫逐有緣勿住空忍一種平懷泯然自盡  
止動歸止止更彌動唯滯兩邊寧知一種一種不通  
兩處失功遣有沒從空背空多言多慮轉不相應  
絕言絕慮無處不通歸根得旨隨照失宗須臾返照  
勝却前空前空轉變皆由妄見不用求真唯須息見  
二見不住慎莫追尋纔有是非紛然失心二由一有



三祖傳珠大師信心錄  
一亦莫守一心不生萬法無咎無咎無法不生不心  
能隨境滅境逐能沉境由能境能由境能欲知兩段  
元是一空一空同兩齊含萬象不見精粗寧有偏黨  
大道體寬無易無難小見狐疑轉急轉遲執之失度  
必入邪路放之自然體無去住任性合道逍遙絕惱  
繫念乖真昏沉不好不好勞神何用踈親欲取一乘  
勿惡六塵六塵不惡還同正覺智者無爲愚人自縛  
法無異法妄自愛著將心用心豈非大錯迷生寂亂  
悟無好惡一切二邊良由斟酌夢幻空華何勞把捉  
得失是非一時放却眼若不睡諸夢自除心若不異

萬法一如一如體玄兀爾忘緣萬法齊觀歸復自然  
泯其所以不可方比止動無動動止無止兩旣不成  
一何有爾究竟窮極不存軌則契心平等所作俱息  
狐疑淨盡正信調直一切不留無可記憶虛明自照  
不勞心力非思量處識情難測真如法界無他無自  
要急相應唯言不二不二皆同無不包容十方智者  
皆入此宗宗非促延一念萬年無在不在十方目前  
極小同大忘絕境界極大同小不見邊表有卽是無  
無卽是有若不如此必不須守一卽一切一切卽一  
但能如是何慮不畢信心不二不二信心言語道斷



非去來今

論曰三祖信心銘凡五百八十四言一百四十六  
句句爲後學直指心體揀去心病示歸元之路  
興無作之功令其自信自肯不向外求耳法華經  
須菩提寺四大弟子一生信解卽蒙授記古德云  
一入信門便登祖位豈虛語哉雖然心是何物而  
可信信是何物而信心水不洗水金不博金故云  
信心不二不二信心言語道斷非去來今若更作  
義解商量早是開眼作夢

永嘉眞覺禪師證道歌

君不見絕學無爲閒道人  
不除妄想不求眞無明實  
性卽佛性幻化空身卽法身  
法身覺了無一物本源  
自性天真佛五陰浮雲空  
去來三毒水泡虛出沒證  
實相無人法刹那滅卻阿  
鼻業若將妄語誑衆生自  
招拔舌塵沙劫頓覺了如  
來禪六度萬行體中圓夢  
裏明明有六趣覺後空空  
無大千無罪福無損益寂  
滅性中莫問覓比來塵鏡  
未曾磨今日分明須剖晰  
誰無念誰無生若實無生  
無不生喚取機關木人問  
求佛施功早晚成放四大  
莫把捉寂滅性中隨飲啄



諸行無常一切空卽是如來大圓覺決定說表真乘  
有人不肯任情徵直截根源佛所印摘葉尋枝我不  
能摩尼珠人不識如來藏裏親收得六般神用空不  
空一顆圓光色非色淨五眼得五力唯證乃知難可  
測鏡裏看形見不難水中捉月爭拈得常獨行常獨  
步達者同遊涅槃路調古神清風自高貌悴骨剛人  
不顧窮釋子口稱貧實是身貧道不貧貧則身常披  
縷褐道則心藏無價珍無價珍用無盡利物應時終  
不悽三身四智體中圓八解六通心地印上士一決  
一切了中下多聞多不信但自懷中解垢衣誰能向

外誇精進從他謗任他非把火燒天徒自疲我聞恰  
似飲甘露銷融頓入不思議觀惡言是功德此則成  
吾善知識不因訕謗起怨親何表無生慈忍力宗亦  
通說亦通定慧圓明不滯空非但我今獨達了河沙  
諸佛體皆同師子吼無畏說百獸聞之皆腦裂香象  
奔波失卻威天龍寂聽生欣悅遊江海涉山川尋師  
訪道爲參禪自從認得曹谿路了知生死不相干行  
亦禪坐亦禪語默動靜體安然縱遇鋒刀常坦坦假  
饒毒藥也閒閒我師得見然燈佛多劫曾爲忍辱仙  
幾迴生幾迴死生死悠悠無定止自從頓悟了無生



於諸榮辱何憂喜入深山住蘭若岑峯幽邃長松下  
優游靜坐野僧家閒寂安居實蕭灑覺卽了不施功  
一切有爲法不同住相布施生天福猶如仰箭射虛  
空勢力盡箭還墜招得來生不如意爭似無爲實相  
門一超直入如來地但得本莫愁末如淨琉璃含寶  
月既能解此如意珠自利利他終不竭江月照松風  
吹永夜清宵何所爲佛性戒珠心地印霧露雲霞體  
上衣降龍鉢解虎錫兩股金環鳴歷歷不是標形虛  
事持如來寶杖親踪跡不求真不斷妄了知二法空  
無相無相無空無不空卽是如來真實相心鏡明鑒

無礙廓然瑩徹周沙界萬象森羅影現中一顆圓明  
非內外豁達空撥因果漉漉蕩蕩招殃禍棄有著空  
病亦然還如避溺而投火捨妄心取真理取捨之心  
成巧僞學人不了用修行真成認賊將爲子損法財  
滅功德莫不由斯心意識是以禪門了却心頓入無  
生知見力大丈夫秉慧劍般若鋒兮金剛燄非但能  
摧外道心早曾落却天魔膽震法雷擊法鼓布慈雲  
兮灑甘露龍象蹴蹋潤無邊三乘五性皆惺悟雲山  
肥膩更無雜純出醍醐我常納一性圓通一切性一  
法徧含一切法一月普現一切水一切水月一月攝



諸佛法身入我性我性還與如來合一地具足一切地非色非心非行業彈指圓成八萬門刹那滅却三祇劫一切數句非數句與吾靈覺何交涉不可毀不可讚體若虛空勿涯岸不離當處常湛然覓則知君不可見取不得捨不得不可得中只麼得默時說說時默大施門開無壅塞有人問我解何宗報道摩訶般若力或是或非人不識逆行順行天莫測吾早曾經多劫修不是等閒相誑惑建法幢立宗旨明明佛勅曹溪是第一迦葉首傳燈二十八代西天記法東流入此土菩提達磨爲初祖六代傳衣天下聞後人

得道無窮數真不立妄本空有無俱遣不空空二十空門元不著一性如來體自同心是根法是塵兩種猶如鏡上痕痕垢盡除光始現心法雙亡性卽真嗟末法惡時世衆生福薄難調制去聖遠兮邪見深魔強法弱多怨害聞說如來頓教門恨不滅除令瓦碎作在心殃在身不須怨訴更尤人欲得不招無間業莫謗如來正法輪梅檀林無雜樹鬱密深沈師子住境靜林閒獨自遊走獸飛禽皆遠去師子兒衆隨後三歲卽能大哮吼若是野干逐法王百年妖怪虛開口圓頓教勿人情有疑不決直須爭不是山僧逞人



我修行恐落斷常坑非不非是不是差之毫釐失千里是卽龍女頓成佛非卽善星生陷墜吾早年來積學問亦曾討疏尋經論分別名相不知休入海算沙徒自困卻被如來苦訶責數他珍寶有何益從來踏蹬覺虛行多年枉作風塵客種性邪錯知解不達如來圓頓制二乘精進勿道心外道聰明無智慧亦愚癡亦小駭空拳指上生實解執指爲月枉施功根境法中虛捏怪不見一法卽如來方得名爲觀自在了卽業障本來空未了還須償宿債飢逢王膳不能餐病遇醫王爭得瘥在欲行禪知見力火中生蓮終不

壞勇施犯重悟無生早時成佛于今在師子吼無畏說深嗟懵懂頑皮韃只知犯重障菩提不見如來開祕訣有二比丘犯淫殺波離螢光增罪結維摩大士頓除疑還同赫日銷霜雪不思讓解脫力妙用恒沙也無極四事供養敢辭勞萬兩黃金亦銷得粉骨碎身未足酬一句了然超百億法中王最高勝河沙如來同共證我今解此如意珠信受之者皆相應了了見無一物亦無人亦無佛大千沙界海中漚一切聖賢如電拂假使鐵輪頂上旋定慧圓明終不失日可冷月可熱衆魔不能壞真說象駕崢嶸謾進途誰見



永嘉真覺禪師證道歌  
蟾娘能拒轍大象不遊於兔逕大悟不拘於小節莫  
將管見謗蒼蒼未了吾今爲君訣

論曰永嘉真覺禪師廿歲出家徧探三藏精天台  
圓妙法門於四威儀中常冥禪觀因讀維摩詰經  
廓然大悟乃定宗旨於曹溪觀其振錫遶祖並答  
祖數語只於尋常酬酢之間直超格外深入闡奧  
祖安得不深肯之哉僅留一宿時號一宿覺非浪  
稱也乃作證道歌一首發明禪宗教外別傳之道  
揀去權淺之病皆自證心流出其摧邪顯正如出  
匣鏌鋸光芒燭天勢不可犯自有宗門以來僅一

見之因思古今得道者衆要如大海水阿修羅以  
及魚龍蝦蟃恣其所飲各滿其量而已若永嘉可  
謂掀翻大海傾竭無餘真禪關之樞要別傳之顯  
訣傳布西天共美之曰證道經不誣也



大寶積經曰

佛言文殊師利憍入不思議三昧耶文殊師利言不  
也世尊我卽不思議更不見有心相思議者云何而  
言入不思議三昧我初起心欲入此定而今思惟實  
無心相入三昧譬如人學射久習則巧也後雖無心  
久習故箭發皆中我亦如是初起心學不思議三昧  
繫心於一緣若久習成熟更離無心恆與定俱



趙州十二時歌

鷄鳴丑愁見起來還漏逗  
裙子褊衫箇也無袈裟形  
相些些有棍無腰袴  
無口頭上青灰三五斗  
比望修行利濟人  
誰知變作不啣溜  
平旦寅荒村破院實難論  
解齊粥米全無粒空對閑  
窗與隙塵唯雀噪  
勿人親獨坐時聞落葉頻  
誰道出家憎愛斷  
思量不覺淚沾巾  
日出卯清淨却翻爲煩惱  
有爲功德被塵幔無限田  
地未曾掃攢眉多稱心  
少叵耐東村黑黃老供利不  
會將得來放驢喫我堂前草



趙州十二時歌  
食時辰烟火徒勞望四隣  
餛飩子前年別今日思量空  
嚙津持念少嗟歎頻一百  
家中無善人來者祇道覓  
茶喫不得茶噀去又嗔

禺中已削髮誰知到如此  
無端被請作村僧屈辱饑  
悽受欲死胡張三黑李四  
恭敬不會生些子適來忽  
爾到門頭唯道借茶兼借紙

日南午茶飯輪還無定度  
行却南家到北家果至北  
家不推註苦沙搥大麥醋  
蜀黍米飯蠶蒿苣唯稱供  
養不等閑和尚道心須堅  
固

日昃未者回不踐光陰地  
曾聞一飽忘百饑今日老

僧身便是不習禪不論義  
鋪箇破蓆日裏睡想料上  
方兜率天也無如此日炙背

哺時申也有燒香禮拜人  
五箇老婆三箇瘦一雙面  
子黑皴皴油麻茶實是珍  
金剛不用苦張筋願我來  
年蠶麥熟羅睺羅兒與一文

日入酉除卻荒涼更何守  
雲水高流定委無歷寺沙  
彌鎮長有出格言不到口  
枉續牟尼子孫後一條拄  
杖拗柵藜不但登山兼打狗

黃昏戌獨坐一間空暗室  
陽焰燈光永不逢眼前純  
是金州漆鐘不聞虛度日  
唯聞老鼠鬧啾唧憑何更



得有心情思量念箇波羅密  
人定亥門前明月誰人愛向裏唯愁臥去時勿箇衣  
裳着甚蓋劉維那趙五戒口頭說善甚奇惟任爾山  
僧囊罄空問著都緣總不會  
半夜子心境何曾得暫止思量天下出家人似我住  
持能有幾土榻牀破蘆蓆老榆木枕全無被尊像不  
燒安息香灰裏唯聞牛糞氣

南堂辨驗十門

南堂示衆云夫參學至要不出個最初句與末後句  
透得過者平生參學事畢其或未然更與爾分作十  
門各用印證自心看得穩當也未

- 一須信有教外別傳
- 二須知有教外別傳
- 三須會無情說法與有情說法無二
- 四須見性如觀掌上了了分明一一田地穩密
- 五須具擇法眼
- 六須行鳥道玄路



七須文武兼濟

八須摧邪顯正

九須大機大用

十須向異類中行

此十門諸人還一一得穩當也未若只是閉門作活  
獨了自身不在此限若要荷負正宗紹隆聖種須盡  
此綱要十門方坐得曲彖木床當得天下人禮拜可  
與佛祖爲師若不到與麼田地一向虛頭他時異日  
闍家老子未放備在有麼大家出來證據若無不用  
久立

汾陽十八問

汾陽云大意除實問默問難辨須識來意餘者總有  
時節言說淺深相度祇應不得妄生穿鑿彼此無利  
益雖是善因而招惡果切須子細

請益 僧問馬祖如何是佛 祖云卽心是佛 趙

州云殿裏底

呈解 問龍牙天不能蓋地不能載時如何 牙云

道者合如是

察辨 問臨濟學人有一問在和尙處時如何 濟

云速道速道僧擬議濟便打



沙陽十一  
問  
投機 問天皇疑情未息時如何 皇云守一非真

偏僻 問芭蕉盡大地是箇眼睛乞師指示 蕉云

貧兒遇餓飯

心行 問興化學人皂白未分乞師方便 化隨聲

便打

採拔 問風穴不會底人爲甚麼不疑 穴云靈龜

行陸地爭免曳泥蹤

不會 問玄沙學人乍入叢林乞師指示 沙云汝

聞偃溪水聲麼僧云聞沙云從這裏入

擎擔 問老宿世智辨聰總不要拈出還我話頭來

宿便打

置 問雲門瞪目不見邊際時如何 門云鑒

故 問首山一切衆生皆有佛性爲甚麼不識

山云識

借 問風穴大海有珠如何取得 穴云罔象到

時光燦爛離婁行處浪滔天

實 問三聖學人只見和尚是僧如何是佛是法

聖云是佛是法汝知之乎

假 問徑山這箇是殿裏底那箇是佛 山云這

箇是殿裏底



審 問祖師一切諸法本來是有那箇是無 答

云汝問甚分明何勞更問吾

徵 問睦州祖師西來當爲何事 州云備道爲

何事僧無語州便打

明 外道問佛不問有言無言 世尊良久道云

世尊大慈大悲開我迷雲令我得入

默 外道到佛處無言而立 佛云甚多外道道

云世尊大慈大悲令我得入

凡有學人偏僻言句或蓋覆將來辨師家眼目或呈  
知見擎頭戴角一一試之盡皆打得只爲當面識破

或貶或褒明鏡臨臺是何精魅之可現何有妖狐能  
隱本形者也



浮山九帶

浮山每於示徒之際徧舉宗門語句而學者編集乞師名之師因其類聚目之曰佛禪宗教義九帶集蓋擬班固九流之作也

佛正法眼藏帶

夫真實之理證成法身照用之功作爲報土諸佛之本因旣爾諸祖之洪範亦然五部分宗萬派之精蘊碁布一燈分焰十方之法席鱗差又華嚴經云如來不出世亦無有涅槃昔靈山會上世尊以青蓮目瞬示四衆無能領其密意惟大迦葉獨領解佛旨經云



佛告大迦葉云吾有正法眼藏涅槃妙心付囑與汝  
汝當流布勿令斷絕又臨涅槃告阿難言十二部經  
汝當流通告優波離言一切戒律汝當奉持  
付大迦葉偈云法本法無法無法亦法今付無法  
時法法何曾法於是大迦葉持佛袈裟於雞足山中  
入寂滅定待慈氏下生兩手分付

佛法藏帶

夫三乘教外諸祖別傳萬象之中迥然獨露纖塵未  
泯阻隔關山擬議差殊千生萬劫三賢未曉十聖那  
知截斷衆流如何湊泊聖人曲成萬物而不已刻雕

衆形而無功而况如來藏乎所謂藏者該括三世過  
現未來諸佛法藏其間有大小乘小乘爲聲聞緣覺  
大乘謂菩薩於中支分爲八謂三藏五乘其三藏謂  
經律論五乘謂聲聞緣覺菩薩而兼攝人天然則教  
分名數依根所立而不離一乘法華經曰於一乘道  
分別說三又曰尙無二乘何况有三又曰惟此一事  
實餘二則非眞此明依根立權如華嚴說如來藏以  
法界爲體如來藏無前後際無成壞法無修證位絕  
對待義所以文殊偈曰一念普觀無量劫無去無來  
亦無住如是了知三世事超諸方便成十力聖人說



了義不了義並是依根安立諸佛隨宜說法意趣難辨三藏五乘各有宗旨於一乘論圓頓半滿並是權立惟華嚴一經以法界爲體量佛與衆生同一體性本無修證本無得失無煩惱可斷無菩提可求人與非人性相平等

理貫帶

夫聲色不到語路難詮今古歷然從來無間以言顯道曲爲今時豎拂揚眉周遮示誨天然上士豈受提撕中下之機鉤頭取則投機不妙過在何人更或躊躇轉加鈍置理貫帶者理卽正位也其正位中而無

一法空同實際其實際理地不受一塵

事貫帶

夫日月照臨不到天地覆載不着劫火壞時彼常安萬法泯時全體露隨緣不變處鬧常寧一道恩光阿誰無分華嚴經云刹說衆生說三世國土一時說

理事縱橫帶

夫觸目是道佛事門中絕跡無私通貫實際圓融事理運用雙行器量堪任隨機赴感門風露布各在當人建立宗乘強生枝節出門問路指東劃西歷劫頑囂如何扣發



屈曲垂帶

夫垂者聖人垂機接物也屈曲者脫珍御服著弊垢衣也同安云權掛垢衣云是佛却裝珍御復名誰珍御名不出世垢衣名出世僧問石門徹和尚雲光法師爲甚麼却作牛去徹云陋巷不騎金色馬回途却著破爛衫聖人成佛後却爲菩薩導利衆生是名不住無爲不盡有爲矣文殊師利問維摩詰云菩薩云何通達佛道摩詰云菩薩行於非道是名通達佛道

妙叶兼帶

汝州風穴和尚示衆云夫參學眼目臨機直須大用

現前莫自拘於小節設使言前薦得猶是滯殼迷封縱饒句下精通未免觸途狂見勸汝諸人應是從前依他作解明昧兩歧凡聖疑情一時掃却直教個個如師子兒哮吼一聲壁立萬仞誰敢正眼覷着覷着則瞎却渠眼

金鍼雙鎖帶

夫雞足分燈之後少林傳芳以來各闡玄風互興佛事若憑言詮爲據斷滅法門更成造作修功平沈先聖頭頭顯露物物明真不用躊躇直截便道

平懷常實帶



洛浦和尚示衆云末後一句始到牢關把斷要津不通凡聖尋常向汝諸人道任從天下樂忻忻我獨不肯何故靈龜負圖自取喪身之兆鳳縈金網擬趣霄漢以何期尋常向汝諸人道須於旨外明宗莫向言中取則所以道石人機似汝也解唱巴歌汝若似石人雪曲也應和僧問南泉如何是道泉云平常心是道如達平常道也見山卽是山見水卽是水信手拈來無可無不可設使風來樹動浪起船高春生夏長秋收冬藏有何差異但得風調雨順國泰民安邊方寧靜君臣道合豈在麒麟出現鳳凰來儀方顯祥瑞

哉但得理歸其道事乃平實無聖可求無凡可捨內外平懷泯然自盡所以諸聖語言不離世諦隨順世間會則途中受用不會則世諦流布

浮山云據圓極法門本具十數今此九帶已爲諸人說了也更有一帶諸人還見麼若也見得親切分明却請出來說看說得相應則通前九帶圓明道眼若也見不親切說不相應但依吾語言以爲已解則名謗法無有是處諸人到此合作麼生衆皆罔措師遂叱散



白隱妙法蓮華經展筵普說

惟時延享第三丙寅春白水山主鞭曠劫扶宗願輪  
設無遮法會命山野敷演諸佛出世本志豈小緣哉  
茲有一段難入底祕訣山野二十年前燈下讀譬喻  
品見得徹不覺流出一身白汗底大義也久默斯要  
不務速說此日不惜眉毛運出以充法施三藏行人  
縱見得著如聾如啞還驚走通別機雖信受不疑不  
能分明見得透特有圓頓上乘菩薩如吞醍醐長者  
寶聚不求乍入手寬保初有一士人江州彥根武臣  
藤氏某甲也裹兩金五百東使武陵從者三五輩路



歷尾濃間有一夫交從者且走且行寄宿亦俱其謹  
慎周密態度越流輩士亦甚愛之一日出兩金五片  
告士人曰幸而扈從賢君之後塵遁長途危險恐怖  
吾是濃陽邊境細民子也家兄在武陵重痾累月父  
母令小奴迎之金者其糧也願加賢君履袋傍以安  
枕蚤暮到武陵必賜之矣士微笑納革囊出則提之  
出入則提之入乘則乃言革囊好在耶下則乃言革  
囊好在耶一朝乍失夫所在革囊亦無諸卒皆驚顧  
士特自若而飲噉畢微笑即發纜歷三四墩有一夫  
從東來呈短書札走過士一見了微笑即行行到驛

亭囊子挂著在亭柱士即出金一封接囊微笑又行  
從者皆怪到晚陰開囊裡面皆石也諸卒羅拜問其  
端由士即開懷出一書札示之是彼一夫走來寄呈  
馬上底短書也其詞曰草賊小鹽某甲死罪死罪恐  
懼作禮謹奉寄呈賢君藤大人鞍下伏惟草賊鹽奴  
舐貧囊母乳長頑愚父手母貧囊常不厭糟糠雖不  
厭終寸絲不犯他物父頑愚全不知一丁雖不知常  
甘貞潔饑雖鹽身材近六尺耳目不劣萬夫所恨賦  
性凶惡而拙夷齊廉跖躄與侯黑親交與侯白友好  
不知父母死生者蓋十年於此矣穿倉庫底截廩庾



壁穴室樞戶驅人牛馬喉所受肩所懸皆是他人淚  
血也刀俎期鹽終鴉犬遲鹽肉常坐臥萬死中僅偷  
一生朝而待夕束一身不爲生者久矣身上無一滴  
生血心中無一點仁恕雖燒人屋殺人子盜奪錢財  
到賑己身不作半月用如鹽者寔是泥犁人也先窺  
大人使金於東都碎肺腑設此鄙計何量還罹賢君  
奇計焉大凡取人財者主若西賊必東主若東賊必  
西也然今看賢駕指東奴亦東走過暗堠八九者何  
哉賊奴心竊謂事若得成是可也若不得成再浴賢  
君仁海恩波是鹽所以以大人不擬庸流也若不然

鹽豈走東爲哉果如鹽預所知大凡鹽所經歷與羽  
東肥筑西于土于農于工于商不蹟入鹽邪計者半  
箇亦無特有賢君還倒捉鹽推此坑塹寔膽冷股戰  
所恨草賊萬死殘軀不伸頸死大人馬足下焉嗟不  
死何待哉是鹽大所慚愧者也囊挂次驛亭柱以進  
反矣願賜向所寄小金是鹽前日所欺得別人淚血  
也豈汚大人仁德手脚哉欽冀藤氏大人眉壽等南  
極老星祿算增北辰高輝鹽頓首死罪死罪恐懼作  
禮奉寄呈藤大人鞍下鵠林半死殘喘打大法鼓登  
大法座打多少叨叨那處是難透底祕處莫道鵠林



白隱如法蓮華經履歷普說  
老去說禪無孔竅此是山野代佛揚化底出世本懷也若人見得著必見靈山未散會所以言前日風雨裡故人從此去以何爲驗經曰謗斯經故獲罪如是久立大衆伏惟珍重又有一偈葛藤窟裡瞎老漢把著葛藤不避難八萬人天蹉過了蓮華經裡虎狼關

白隱藕絲孔中辯

臨濟慧照禪師云如阿修羅與天帝釋戰時戰敗領八萬四千眷屬入藕絲孔中藏故不能攻而退也是本經中說也予常謂阿修羅有者般大神通彼旣戰敗走時豈特尋藕絲孔中藏耶螻蛄眼裏蚊虻鼻孔一微塵裏針鋒頭上隨處自在藏身縱令鄰虛內包容八萬四干部屬不爲狹而特指藕絲孔中何哉且夫帝釋旣戰勝諸天大得力則多聞廣目疾如石火增長持國速如颺風有何暇得尋蓮池折荷莖拔卻藕絲而後隱身哉縱令亦隱得十成天眼所照盡大



千界如掌上瑠璃顆何殘纖毫若又如三春始仲冬  
後荷錢亦未浮時無所藏身彼卽敗走牢落終到覺  
天兵斧鉞乎吾大怪久之近頃定中忽爾省覺此事  
不堪歡喜記以授二三子顧夫此義經中微妙譬喻  
而辨道大有益蓋試論之譬茲有辨道上士單單端  
身靜坐則身心寂滅萬法虛凝湛然廓落自如一片  
長空忽然情念纒紛起則如雲霧包大虛似波浪吞  
巨嶽谷吼山噴臭煙吐冰雹毒霧籠電雷是則阿修  
羅大戰勝之時也乍現大身淺蒼海狹碧空動寶殿  
叫喚怒號攫日月顛狂憤悶靈臺爲之震動丹府爲

之碎裂當此時行者忽省覺舉起本參話頭或向自  
已本有則如沸沸湯釜內洒一杓冷水性海湛寂心  
源虛靈是則帝釋天王大戰勝時也四王各得處諸  
天互歡樂帝網重重光光映徹主伴無盡正與麼時  
彼八萬四千魔軍一個不留痕跡上下四維之間千  
回百匝盡神變搜索不得於此行者大歡踊云天下  
既定矣特不知彼魔種入歡喜細念裏潛伏全不損  
一毛細念者何謂哉所謂心識微細流注難斷思惑  
也然則非彼部衆入思惑難斷如藕絲裏而隱者旣  
入思惑微細藕絲而隱宜哉不能攻而退也古仰山



白隱禪師口業  
問滄山曰心識微細流注無來幾年山云七年是亦  
盡藕絲說話也爲之如何祖師有善巧一著截生死  
纖根如倚天長劔摧妄情舊窠過萬鈞鎚子僧問趙  
州狗子還有佛性也否州曰無此話極有靈驗學者  
若欲到真正安樂田地謹爛咬此話豎咬橫咬嚼一  
朝乍咬斷命根絕後再蘇從上多少說話唯是滿面  
慚惶而已勉旃諸子莫待老來淚痕數行滴頷焉至  
禱



明



時

變



陳  
氏  
印





潤 響 劄 豁 錯 唳 哪 收

句 集

一 字

眨 鎖 恰 芻 囧 嘎 普 過

澁 瞎 確 芻 怕 杏 露 噫

瞽 窄 默 關 壑 參 點 唯



斬 驗

屈 得

拂 擻

嶮 徹

二字

如是

未審

不會

果然

下座

了也

來也

咄哉

哧哧

的的

驀直

便打

噓噓

錯錯

牛擻

三字

一毫端

在毫端

是什麼

什麼謂

何推下

這老賊

賊知賊

者箇擻

果然點

與一掌

一喝去

便出去

得得來

得得得

狗子擻

殿裏底

知者知

少賣弄

田庫奴

君子器

廣長舌

忌十成

乾不盡

囉囉哩

五神通

看脚下

作稀勢



買幾錢

甚諦當

指虛空

太高生

太龜生

高著眼

莫錯舉

逼殺人

阿刺刺

百雜碎

白拈賊

錯了也

鐵蒺藜

把不住

未徹在

近前來

說了也

沒蹤迹

看不盡

擔板漢

遲八刻

孟八郎

烏律律

四字

聖胎長養

如愚若魯

正法眼藏

柳綠花紅

尺長寸短

松直棘曲

眼橫鼻直

天高地厚

月白風清

心經當體

法華當體

中道實相

虛空低頭

相救相救

蒼天蒼天

懺悔懺悔

作家作家

禍事禍事

可恐可恐

三十二相

不道不道

苦屈苦屈

隻手音聲

見星悟道

魯祖面壁

如是我聞

生死根源

無作妙用

心心不異

向上些子



把住放行  
心法俱忘  
永字八法  
翻了天地  
蓋天蓋地  
壑著磕著  
八寒八熱  
去死充分  
成事不說  
遂事不諫  
既往不咎  
間不容髮  
全依他力  
脚頭脚底  
脚下泥深  
這白拈賊  
這野狐精  
貴買賤賣  
鈍鳥栖蘆  
困魚止箔  
不知最親  
相見了也  
覲面相呈  
一任和尚  
某呈和尚  
臘月扇子  
烏龜鎖壁  
寒毛卓豎  
啞子喫蜜  
傾湫倒嶽

牽犁拽耙  
白雲萬里  
頑石點頭  
君子可入  
買帽相頭  
咬破虛空  
行吟澤畔  
見風使帆  
無風起浪  
月帶重輪  
棚八囉札  
賓主互換  
換手槌胸  
光陰可惜  
破家散宅  
大惠道底  
玄沙道底  
傅大士底  
某不得便  
途中善爲  
着何死急  
一句道着  
放過一着  
此語最毒  
開口看膽  
某甲罪過  
謝師證明  
君子一言  
和尚萬福  
落草不少



問聖侍去	衣錦尙絢	暗夜聞霜
二祖斷臂	黑白二件	相去多少
箇自了漢	不遠而來	莫謗他好
謝師勞疲	彼此得便	獲得一箇
取盞便打	頭正尾正	填溝塞壑
銀山鐵壁	龍天推轂	高祖入關
千年滯貨	腦後一鎚	謹領慈旨
真正成壞	疥癩野干	癩兒牽伴
陷虎之機	官馬相踏	箭鋒相拄
養子之緣	父子唱和	父羊子證

明皇幸蜀	胡人入漢	突出眼睛
脫白露淨	百年妖怪	老鼠做大
蹤跡難尋	禮拜了退	愕然平伏
低頭便去	待重來答	却得禮謝
唾擲便去	我甚勞倦	誰敢相昧
太煞謾人	無瞞人好	劈口便打
好箇消息	太深遠生	我到此功
可惜吞了	已吞却了	機鋒辛辣
作縮身勢	也褒也貶	拋擲前川
展轉反側	掀倒禪床	鬼神潛跡



捉敗了也  
失錢遭罪  
敗將不斬  
文彩已露  
巡人犯夜  
腦門著地  
秤鎚落井  
二龍爭珠  
舉手动足  
七事隨身

以恩報讎  
再犯不容  
拂蹤滅跡  
將錯就錯  
認賊爲子  
綿裏包針  
熟處難忘  
此錯彼錯  
灰頭土面  
萬箭攢心

淵默雷轟  
識法者懼  
轉轉轉地  
抱賊叫屈  
蹉過了也  
錦包特石  
鼻孔遼天  
著衣喫飯  
住持事繁  
年老心孤

拋向面前  
刻舟尋劍  
千錯萬錯  
雪上加霜  
針芥相投  
沒溺深坑  
拖泥帶水  
龍頭蛇尾  
靈龜曳尾  
纏脚纏手

隔靴搔痒  
攢花簇錦  
賊證現在  
土上添泥  
亘古亘今  
倒退三千  
手蹉脚蹉  
却較些子  
驢馱馬載  
蛇形龍鼻

滿口水雪  
據欵結案  
停囚長智  
佛祖乞命  
模天樣地  
認驢作馬  
入鄉隨俗  
續鳧截鶴  
點滴不施  
閻室藏燈



以蝦爲目	雷門布鼓	掩耳偷鈴
賊是家親	舌頭無骨	勾賊破家
可知禮也	箭過新羅	處處全真
三點九槩	冷笑一番	東西自在
且請一宿	三十年後	作模畫樣
振威一喝	明暗雙雙	入我我入
東步西步	千年桃核	綿綿密密
君暴民亡	自作自受	刀不斬刀
唱拍相隨	鐵牛無骨	賊身已露
背後底聲	針劑不入	頭上安頭

帶累別人	壓良爲賤	改頭換面
摸索不著	觸體遍野	弓折矢盡
舌頭落地	遠問近對	自領出去
多口阿師	劈腹剗心	事起叮嚀
熱喝噴拳	一筆勾下	一場懨懨
傍人有眼	擔枷過狀	草賊大敗
一網打就	惜取眉毛	且坐喫茶
五 字		
啞子喫苦瓜	老鼠入牛角	擔雪填古井
餓狗嚙枯體	入水見長人	出現十方佛



山呼萬歲聲 諸佛居何處 閉口道一句  
砒礪藏石密 如稻麻竹葦 如衣錦夜行  
驢擇濕處尿 殺活在手裡 泥水洗玉石  
照破四天下 野鹿叫林底 冬嶺秀孤松  
螻蟻搖鐵柱 燈下不剪爪 畫梅香芬芬  
涅槃像妙處 靜處蘇婆訶 煩惱卽菩提  
急急如律令 善射不中的 面南見北斗  
虛空打筋斗 欲雨山色近 鐵船浮水上  
道中西來意 官路販私鹽 白狀底一句  
相續也大難 更參三十年 石人相耳語

柴頭掛胡蘆 鈍鳥不離巢 自屎不覺臭  
畫蛇強添足 樊噲踏鴻門 亞夫擊摧玉  
本立而道生 吾無隱乎爾 古鏡裏含銘  
明鏡裏藏身 白馬入蘆花 佛祖開口難  
花散鳥不來 按牛頭喫草 汝不離門外  
鳥道絕東西 添師賜授記 能聚兮聚兮  
三步退拜謝 今請與一盞 賴值師指示  
是什麼心行 莫謂得便宜 放汝三十棒  
是外無別事 誰是最上人 何處是妄語  
不惜爲葉縣 一切在和尙 激發箇老漢



纒行三五步	大小大宗師	尙是第二機
小女可以備	今年二十五	某甲不着便
道士請便坐	說是說不是	着床作臥勢
轉身一轉出	枕之作臥勢	眼前是什麼
兒不嫌母醜	通身是手眼	汝親見鼓山
果然把不着	以草打一揮	依舊是侍者
殺人須見血	無言誠有功	幸是老和尚
恐喪盡兒孫	特來見和尚	孟軻鄒人也
親言出親口	青黃赤白黑	夜更飢鼠驕
大士講經竟	父子相投和	奴見婢慙慙

池塘春草生	打水魚頭痛	春來草自生
枯木不逢春	斷碑橫古路	熟睡饒儂語
一盲引衆盲	韓信臨朝底	步步清風起
乞兒弄飯椀	普州人送賊	寶劍在手裡
依樣畫貓兒	萬里一條鐵	相牽入火坑
虛空咲點頭	杓卜聽虛聲	彩鳳舞丹青
好肉上剗瘡	露柱掛燈籠	蝦跳不出斗
目前無異草	大功不立賞	鐵丸無縫罅
達者暗裏驚	蚊子咬鐵牛	都盧一團鐵
聖朝無棄物	金剛嚼生鐵	調高賞音稀



鏗湯無冷處	同途不同轍	貧兒思舊債
捏目強生花	能使得爺錢	崑崙無縫罅
和月賣珊瑚	壺中日月長	一箭過西天
這不啣啾漢	釋迦彌勤懣	向後須參取
憐兒不覺醜	只箇一念子	爛泥裏有棘
一隊野狐精	平地起波瀾	死水不藏龍
大道透長安	獨掌不浪鳴	賊過後張弓
騎賊馬趁賊	出門便是草	寒光射斗牛
腦後添一錐	子能繼父業	徧地是刀鎗
露濕草鞋重	投簪泣井傍	此箇破草鞋

家家觀世音	坐地開眼睡	禿帚舞天風
虛空駕鐵船	如實知自心	欸出囚人口
楚山入漢水	門外雨滴聲	絹糸結富嶽
披毛戴角去	侍者點火來	屎臭氣薰天
電光裡走馬	擔水河頭賣	鄉原德之賊
猛虎畫蛾眉	泥裏洗土塊	賺殺一船人
老拳不妄發	隨後婁藪也	鐵鈷舞三臺
嚼飯餵嬰兒	無義老凍膿	阿房曳衣底

六字

却是老僧罪過 今日始知數量 我不要再賤器



只恐有人不肯 豎起拳頭出去 此語永劫不忘  
具威儀謝答話 果然現大人相 某甲遇不慮難  
護法爲心切也 賴遇和尚印可 鼓南山舞北山  
轉轆轤阿轆轤 旋身一轉便去 起來大作舞出  
古佛與露柱交 回顧左右茫然 唯爲人甚近也  
今日打着一箇 一手擡一手搦 是甚麼繫驢橛  
尙是老僧有孫 領承師老婆心 我還道得道得  
捉則逸放則隨 會萬物爲自己 烏自黑鷺自白  
好兒不費爺錢 大衆一同饋飯 懸羊頭賣狗肉  
歸去來歸去來 作模作樣什麼 火就乾水流濕

唼淨地上撒扃 養兒始知父慈 法身報身應身  
法身般若解說 山是山水是水 天是天地是地  
春山青春水碧 花簇簇錦簇簇 明皎皎白白的  
淨躑躑赤洒洒 千年田八百主 父不傳子不記  
乾三連坤六斷 軟似綿硬似鐵 荷葉團松葉細  
水上推胡蘆子 文殊三處渡夏 東山下左邊底  
臨濟下座端的 紅爐上一點雪 入香爐入線香  
黃尙書李僕射 手臂不向外曲 濃滴滴血洒洒  
把得拋向坑裏 山有榛隰有苓 庭前花生耶死  
不是不是不是 握母指咬中指 回天關轉地軸

詞集



一匪大千世界 百不知百不會 文王沒文在斯  
面赤者心不直 瞋拳不打笑面 明歷歷露堂堂  
入柳綠入花紅 仁者天下無敵 阿哆哆阿波波  
君子周而不比 作張三作李四 土肉瘦山骨現  
長鞭不搆馬腹 米不咬破一粒 獅子吼無畏說  
良賈深藏如虛 是亦剗非亦剗 柳不綠花不紅  
叱叱叱者畜生 豫讓藏身吞炭 太煞滅人威光  
一二三三二一 主山高安山低 一二三四五六  
螻蟻撼於鐵柱 半河南半河北 脫籠頭卸角馱  
臥龍不鑑死水 利劍不斬死漢 面赤不如語直

知恩方解報恩 踞虎頭收虎尾 生薑終不改辛  
龍得水虎靠山 天下人不知價 君子千里同風  
藏天下於天下 長安東洛陽西 野干鳴獅子吼  
今日有明日無 父攘羊子證之 聞名不如見面  
烟霞不遮梅香 天無門地無戶 金剛圈栗棘蓬  
殺人刀活人劍 風從虎雲從龍 巢知風穴知雨  
益州布揚州絹 高天踟厚地躋 昨日雨今日晴  
松不直棘不曲 十日風五日雨 天不文地不理  
描不成畫不就 贊不欣罵不嗔 南天台北五臺  
南地竹北地木 推不去挽不來 頭不欠尾不剩



彼蒼天喪父母 臨濟最後難關 此去漢陽不遠  
宗師家有三毒 呼虛空名什麼 何望和尚慈悲  
行燈暗行燈暗 天星數地砂數 向去底却來底  
渴不飲盜泉水 牛頭沒馬頭回 樂樂樂白自目  
薤園裡賣葱草 不喜舊路逢人 只露目前些子  
他殺不如自殺 大覺果滿境界 天蒐外地地外  
咄咄咄力因希 切忌開眼作夢 大道癡仁義始  
萬物皆備於我 用禮拜作什麼 用盲人作什麼

七字

丈夫面上傅紅粉

百雜碎兮鐵團欒

洞房深處說私情  
不斷煩惱入涅槃  
謝三郎不知四字  
南山北山轉滂霈  
九曲黃河混底流  
曹操賜關羽錦囊  
猿繞霜枝一夜啼  
遺恨十年磨一劍  
燒葉爐中無宿火  
寒流石上一株松

明窓下古鏡照心  
杖林山下竹筋鞭  
萬象之中獨露身  
千手大悲提不起  
三尺杖子攪黃河  
莫沾老僧袈裟角  
如馬前相撲相似  
七生人間滅此賊  
詩學李杜文師韓  
一畝地三蛇九鼠



赤洪崖打白洪崖  
破爛衫裏包清風  
凍合玉樓寒起粟  
十字街頭破草鞋  
洗硯端池生玉蓮  
不動一步行千里  
一句講了一切經  
齊女擊碎連環玉  
一句講了臨濟錄  
呼來山頭一片雲

紅焰叢中駿馬嘶  
神箭三匝白猿號  
觀音三十二應身  
不離魔界入佛界  
烏雞夜半咬生鐵  
標有梅其實七兮  
娑婆往來八千度  
太阿寶劍本是鐵  
任手拈來着着親  
莫把商音作羽音

已知聖澤深無限  
跛鼈盲龜入空谷  
深閨燈影語冤讎  
赤脚波斯過孟津  
跛鼈拂眉立晚風  
可憐飛燕倚新粧  
醉殺長安輕薄兒  
大圓鏡光黑如漆  
百姓日用不自知  
飢來喫飯困來眠

翻手作雲覆手雨  
斷弦須是鸞膠續  
獻師不堪用有餘  
野有伏兵雁行亂  
烏龜帶劍上燈臺  
屈原既放游江潭  
痴人積雪作銀山  
宗通說通大自在  
兩頭毒蛇見者死  
慶喜阿閼見佛國



玉不玉矣玉玲瓏  
泥牛蹴浪鼓瞋牙  
鑊湯爐炭三萬尺  
死諸葛走生仲達  
封微子啓爲殷後  
盡大地藏身無處  
朝來同見千家雨  
始知師有此機鋒  
珊瑚枝枝撐著月  
日出東方夜落西

一念瞋恚頭戴角  
高祖殿前樊噲怒  
精金入火色轉鮮  
忽忽擾擾水中月  
大破關中收圖書  
乳虎墜地氣食牛  
和尚有如是機鋒  
以半片放向和尚  
我今日小出大遇  
拳倒禪床便出去

和尚莫以良爲賤  
侍者將衣來安寢  
我非無神通菩薩  
相識猶如不相識  
孤峰頂上坐草裡  
是什麼熱椀鳴聲  
澄潭不許蒼龍蟠  
射工含沙待影過  
黑漆桶裏盛黑汁  
衣弊履穿頭半白

昨夜三更月到窓  
請爲一堂設饋飯  
一箇半箇千萬箇  
三十年後有人知  
遍折貶向火爐頭  
一夫作難七廟墮  
一條條三十文買  
睡虎眼有百步威  
醉後郎當愁殺人  
難提掇處轉有則



百尺竿頭坐底人  
引得黃鸞下柳條  
黃金色上更添黃  
一寸常懷一丈恩  
雨後青山青轉青  
美食不中飽人喫  
象峰八十真境界  
紫羅帳裏撒真珠  
叱咤神威孰敢當  
一回舉著一回新

火裏蓮花朵朵開  
團團珠遶玉珊珊  
焦尾大蟲元是虎  
闔外安危策已成  
毒龍行處草不生  
出門不踏來時路  
錦上鋪花又一重  
來來去去作什麼  
逼塞乾坤鎖宇宙  
黃金鑄出鐵崑崙

金剛腦後添生鐵  
針鋒頭上翻筋斗  
虛空消殞鐵山摧  
金剛脚下鐵崑崙  
凜凜威風四百州  
前箭猶輕後箭深  
海神知貴不知價  
和盤托出夜明珠  
看時不見暗昏昏  
枯木花開劫外春

學海波瀾一夜乾  
白雲重疊鎖青山  
看盡湘南清絕地  
客盃弓影元非蛇  
一葉落知天下秋  
卷盡五千四十八  
大唐打鼓新羅舞  
狸奴白牯放毫光  
針頭不用重添鐵  
大鵬一舉九萬里



崑崙著靴空中走  
八兩元來是半斤  
拈來瓦礫是黃金  
百煉黃金再入爐  
令人長憶李將軍  
功至無功汗馬高  
鳩鳥入水魚皆死  
出林猛虎鼓唇牙  
獅子教兒迷子訣  
岩下風生虎弄兒

虎頭虎尾一時收  
龍袖拂開全體現  
醍醐毒藥一時行  
鳩酒一盃當面傾  
白浪滔天平地起  
南山打鼓北山舞  
岫巖峯頭神禹碑  
全鋒不戰屈人兵  
長安城裏任閑遊  
巧匠揮斧不露刃

月明豈在珊瑚枝  
青天白日怒雷奔  
殺人活人不眨眼  
外空內空內外空  
百鍊精金無變色  
老倒無端入荒草  
幡竿尖上鐵龍頭  
鐵鞭擊碎驪龍珠  
黑漆桶裏黃金色  
有佛處請指出看

肝膽心腸都吐盡  
黑漆崑崙雲外走  
騎虎頭兮收虎尾  
能使爺錢何故澀  
誰家竈裡火無烟  
大冶精金無變色  
四海香風從此起  
金香爐下鐵崑崙  
牡丹花下睡貓兒  
無角鐵牛眠少室



不離當處常湛然  
王孫去後絕消息  
口吐紅蓮養病身  
無孔鐵鎚當面擲  
揚人是非作什麼  
得便宜是落便宜  
蕭何賣却假銀城  
又是千年茄子根  
燈籠露柱打筋斗  
兔角龜毛過別山

無相光中常自在  
一莖香帶數花寒  
汲水僧歸林下寺  
剔起眉毛還不見  
向鬼窟裏作活計  
地獄門前鬼脫卵  
九重城裏五節會  
山帶夕陽半邊紅  
波斯說夢入市中  
螻蛄張斧當隆車

洞中春色人難見  
鷺鷥股裏多割肉  
水面無塵波洗濤

蚯蚓段段孰是真  
駕與青龍不解騎

八字

何官無私何水無魚  
三郎郎當三郎郎當  
豈不夙夜謂行多露  
不憤不啓不悱不發  
武王一怒安天下民  
四佛智見四智如來

智鑑高明識量寬大  
學者參禪師家面壁  
朝到西天暮歸東土  
帝網重重主伴無盡  
鳥飛毛落魚行水濁  
墨悲絲染詩讚羔羊



東家作驢西家作馬  
暗穿玉線密度金針  
彼死我死向何處會  
洪波浩渺白浪滔天  
入廡垂手爲人度生  
楚人一炬可憐焦土  
一家父子和氣如春  
他馬莫騎他弓莫牽  
閉門造車出戶合轍  
金不換金水不澆水

牀窄先臥粥薄後坐  
珠回玉轉八面玲瓏  
末後牢關最後一槩  
東夷南蠻北狄西戎  
大湖浸月長橋伏浪  
君子愛財取之以道  
下坡不走快鞭難逢  
野有死麕白茅包之  
天地一指萬物一馬  
掀翻大海趨倒須彌

雞寒上樹魚寒入水  
東西不辨南北不分  
上天之載無聲無臭  
鳶飛戾天魚躍于淵  
水長船高泥多佛大  
禮儀三百威儀三千  
非敢後也馬不進也  
文質彬彬然後君子  
凡聖同居龍蛇混雜  
發憤忘食樂以忘憂

伏屍百萬流血漂盾  
一輪皎潔萬里騰光  
圓如太虛無欠無餘  
慢藏悔盜冶容悔淫  
維鵲有巢維鳩居之  
裳錦褰裳衣錦褰衣  
伐柯伐柯其則不遠  
南山起雲北山下雨  
朝打三千暮打八百  
我有嘉賓鼓瑟吹笙



釣而不網弋不射宿  
鼻雷齟齬梁塵振飛  
毛吞巨海芥納須彌  
人無遠慮必有近憂  
權柄在手殺活自在  
心不負人面無慚色  
雪北嶺冷梅南枝香  
將謂猴白更有猴黑  
獅子咬人韓獺逐塊  
鷹拏燕雀鶻打寒鳩

君君臣臣父父子子  
敲空有響打木無聲  
伊字三點那箇是正  
如天普蓋似地普擎  
放下一著落在第二  
蟬噪高樹蛩吟古砌  
六道四生遊戲三昧  
椀子落地成七八片  
七顛八倒目瞪口呆  
明足以察秋毫之末

元首明哉股肱良哉  
相維辟公天子穆穆  
獅子哮吼野干腦裂  
要行便行要坐便坐  
意中削句句中削機  
德安四海威肅三邊  
盡大地撮來無寸土  
風吹樹動悉辨來機  
事事物物天真獨朗  
電飛雷走山崩石裂

和和婆婆有句無句  
空手而來空手而去  
含血吐人先污其口  
須彌不高大海不深  
能學下惠不師其跡  
股肱清朝橐籥黎庶  
浩然之氣塞天地間  
心境一如物我不二  
上求菩提下化衆生  
隨處作主立處皆真



呼天爲地呼地爲天  
方地爲輿高天作蓋  
依稀端午彷彿重陽  
文王在上萬國則之  
爭名者朝爭利者市  
牙如劍樹口似血盆  
偏守真空斷諸智種  
住着智見破正梵行  
一燈萬燈燈燈無盡  
三徑就荒松菊猶存

前頭綠水後面青山  
先行其言而後從之  
八面玲瓏白圭無瑕  
東南得友西北失友  
齊女維打姜女維嗔  
玉元無瑕彫文喪質  
纔失正念卽犯他物  
立名認相皆爲欺誑  
烏不染黑鵝不浴白  
開戶見之不視其所

諸葛殘謀殺魏將軍  
亶亶文王令聞不已  
天下重器王者大統  
實際理地醉見身界  
自他不二錯生人我  
農夫歌野商人舞市  
提獎嬰兒撫憐赤子  
一切善惡都莫思量  
以手摩頂且坐喫茶  
言語同斷心行所滅

水不洗水金不博金  
盆掃堆頭更添墻埽  
皇天無私惟德是仰  
生佛一如妄爲凡聖  
真空無相亂存執取  
打破乾坤獨步青天  
拈出一箇膠盆子了  
法尙應捨何況非法  
不許夜行投明須到  
不在天台定在南岳



人人具足箇箇圓成  
曰作家眼目僧禮拜  
不信因果正法自壞  
寶應老漢看取眉毛  
上無攀仰下絕己躬  
兩手托開問取趙州  
鞍上無人鞍下無馬  
唯解見前不解見後  
善游者溺善騎者落  
心如波旬面似夜叉

可惜此器不遇知音  
諸法實相何厭何憎  
却是撞着祖師面目  
不知恩人不放舊債  
一長三短四句百非  
劈開左眼云猫出去  
漫鳴塗毒鼓喪兒孫  
良醫之門病者愈多  
滿面慙惶強而惺惺  
漆不厭黑粉不厭白

破鏡鳥機動欲食母  
劫石易消村話難改  
飯裡有砂泥中有棘  
左眼半斤右眼八兩  
迦葉作舞顏淵顰眉  
左轉右轉自由自在  
吳天嘯月楚路遊花  
頭上漫漫脚下漫漫  
豎窮三際橫亘十方  
一犬吠虛萬犬傳實

陸地行舟虛空馳馬  
殘羹餽飯狗亦不顧  
水到渠成風行草偃  
爲他語脈裏被轉却  
應物現形如水中月  
風吹不入水洒不著  
毫釐有差天地懸隔  
三代禮樂在緇衣中  
我這裡無這箇消息  
沒意智漢何境界在



銀碗盛雪明月藏鷺  
賤如泥沙貴如金壁  
夜半正明天曉不露  
作龍上天作蛇入草  
頭枕天台脚踏南嶽  
巢父飲牛許由洗耳  
荆棘參天蒺藜滿地  
車不橫推理不曲斷  
金屑雖貴落眼成翳  
國有憲章三千條罪

上無諸佛下無衆生  
白日青天莫寐語好  
瓦礫生光真金失色  
以機奪機以毒攻毒  
頭頭顯露物物全真  
朝遊檀特暮到羅浮  
金翅擘海怒雷破山  
鏡水圖山鳥飛不度  
上透霄漢下徹黃泉  
開口卽錯動舌卽乖

天無四壁地絕八維  
如擊石火似閃電光  
有條攀條無條攀例  
南北東西烏飛兔走  
聽事不真喚鐘作甕  
明修棧道暗度陳倉  
步步踏著綠水青山  
木馬嘶風泥牛吼月  
運籌帷幄決勝千里  
冰凌上行劔刃上走

不經一事不長一智  
入火不燒入水不溺  
插翼猛虎戴角大蟲  
吾王庫內無如是刀  
石火莫及電光罔通  
四十九年一字不說  
剛力雖利不斬無罪  
如人飲水冷暖自知  
劔去刻舟守株待兔  
十方虛空悉皆消殞



不在河南正在河北  
千兵易得一將難求  
咬人獅子不露爪牙  
春風入門千花生鬣  
功成不處電光難追  
弄泥團漢有什麼限  
龍吟雲起虎嘯風生  
太虛無雲清鏡無痕  
收得安南又憂塞北  
針頭削鐵鷲股割肉

澤廣藏山狸能伏豹  
官不容針私通車馬  
重賞之下必有勇夫  
雷聲浩大雨點全無  
驅耕夫牛奪飢人食  
快人一言快馬一鞭  
賊是小人智過君子  
蝦蟆蚯蚓泥猪疥狗  
天堂未就地獄先成  
捆載而往垂橐而歸

黃絹幼婦外孫齏白  
有佛處請試指出看  
雙放雙收箭過新羅  
兩段不同鷺鷥立雪  
桀無由助顏弗足希  
夫善竊者鬼神莫知  
大用現前不存軌則  
舌捲春雷眼懸秋月  
六爻未動一氣潛回  
潛泉魚鼓波而自躍

七尺拄杖三尺竹篋  
腦後見腮莫與往來  
干戈叢裡七縱八橫  
法窟爪牙奪命神符  
如龍無足似蛇有角  
眼如銅鈴口似扁擔  
口齧霜双足撥飛鋒  
狼毒肝腸生鐵面目  
朝隋于西終朝其雨  
好個師僧也恁麼去



九字

逝者如斯夫不舍晝夜  
破鏡烏子常有食母機  
吞炭橋下伏三刺緋衣  
多年重擔一時脫却了  
時日害喪予及女偕亡  
齊宣王見孟子於雪宮  
我亦知汝向第二頭道  
獅子身中蟲喰獅子肉  
項王叱咤暗啞千人癡

蝮蛇吞象三年而出骨  
日勿向外揚家醜便打  
兩鏡相照中心無影像  
金剛正眼照破四天下  
兄弟鬩于牆外禦其侮  
玉璽采彰文萬邦稽首  
一箇打着一箇打不着  
如人夜間背手摸枕头  
穆穆文王於緝熙敬止

云領領以拄杖送一送  
東家人死西家人助哀  
奪却衣鉢曰物歸有主  
護得常住物恰如眼目

囉囉招囉囉遙囉囉送  
吹毛斬不入風吹不動  
衲僧家冷暖自知一句  
衲僧家那一句作麼生

十字

母在一子寒母去三子寒  
過橋村酒美隔岸野花香  
江碧鳥愈白山青花欲燃  
婦搖機軋軋兒弄口啞啞  
林中不賣薪湖上不鬻魚



理極忘情謂如何有喻齊  
到頭霜夜月任運落前溪  
果熟兼猿重山深似路迷  
舉頭殘照在元是住居西  
舊竹生新筍新花長舊枝  
夜行莫蹈白不水定是石  
愛之欲其生惡之欲其死  
破衲逐雲飛草鞋隨路轉  
一峰雲片片雙澗水潺潺  
風暖鳥聲碎日高花影重

寒雲抱幽石霜月照清池  
吹毛截不入輪鎚擊不開  
正狗不偷油雞啣燈盞走  
六月買松風人間恐無價  
掇轉鐵圍山現出金剛山  
古木鳴寒鳥空山啼夜猿  
豈不憚艱險深懷國士恩  
長安一片月萬戶擣衣聲  
朝進東門營暮上河陽橋  
下馬飲君酒問君何所之



時與道人偶或隨樵者行  
牧人驅犢返獵馬帶禽歸  
谷暗千旗出山鳴萬乘來  
海暗三山雨花明五嶺春  
吳楚東南坼乾坤日夜浮  
遠鷗浮水群輕燕受風斜  
此地別燕丹壯士髮衝冠  
昔時人已沒今日水猶寒  
白髮三千丈緣愁似個長  
已見寒梅發復聞啼鳥聲

空山不見人但聞人語響  
獨坐幽篁裡彈琴復長嘯  
深林人不知明月來相照  
春眠不覺曉處處聞啼鳥  
夜來風雨聲花落知多少  
百萬一時盡含情無片言  
一雁過連營繁霜覆古城  
結廬古城下時登古城上  
君家住何處妾住在橫塘  
停船暫借問或恐是同鄉



出門何所見春色滿平蕪  
強欲登高去無人送酒來  
欲別牽郎衣郎今到何處  
只在此山中雲深不知處  
勸君金屈卮滿酌不須辭  
啼時驚妾夢不得到遼西  
偶來松樹下高枕石頭眠  
山中無曆日寒盡不知年  
遠山見有色近水聞無聲  
水蠶不知寒火鼠不知暑

錫帶吳天雪瓶添漢地泉  
寒蟬抱枯木泣盡不回頭  
越鳥巢南枝胡馬嘶北風  
大海任魚躍長空任鳥飛  
入花山求花向明月求月  
鷄聲茅店月人跡板橋霜  
不明三八九對境所思多  
木鷄鳴子夜雛狗吠天明  
路遠驚日曛擔折知柴重  
瓜田不納履梨下不整冠



坐水月道場修空華萬行  
善惡如浮雲起滅俱無處  
一金成萬器萬器成一金  
如斬一綫絲一斬一切斬  
翠羽立高枝危巢帶落暉  
亂聲千葉下寒影一巢孤  
舉起軒轅鑑蚩尤頓失威  
夫子溫良恭謙讓以得之  
青郊鳴錦雉綠水漾金鱗  
玉潤窓前竹花繁院裏梅

泥牛光影亂石女素衣完  
嫩竹抽新笋枯松長老枝  
泣把李陵袂歸思欲沾襟  
愛山登萬仞樂水浮千舟  
任經霜與雪不改舊時容  
春鳥啼春風春魚弄春水  
水流元入海月落不離天  
投我以木瓜報之以瓊琚  
宿昔青雲志蹉跎白髮年  
道取一尺不如行取一寸



鯨吞洗鉢水犀觸點燈船  
鏡分金殿燭山答月樓鐘  
得衆則得國失衆則失國  
視之而弗見聽之而弗聞  
天下有道則見無道則隱  
山果携兒摘荒田共婦鋤  
懷州牛喫禾益州馬腹張  
不貪王母桃自有仙家棗  
薰風自南來殿閣生微涼  
腰纏十萬貫乘鶴下揚州

風爲什麼色雨從何處來  
渭北春天樹江東日暮雲  
若逢親切問端的不饒君  
君看雙眼色不語似無愁  
餓死首陽山誓不食周粟  
江上萬餘里何謁聖明君  
劫石有消日此恨幾時休  
步步行舌頭步步歸話頭  
使我爲良臣勿使爲忠臣  
空留一片石萬古在燕山



獨坐人不知孤月照寒泉  
前山烟霧外不知世上遊  
破甕上天台盲龜入空谷  
窮鳥入懷則弋者亦救之  
弊衣纏瘦骨衰髮覆蒼顏  
舊令尹政必以告新令尹  
揮淚斬丁公咬牙封雍齒  
卸帽穿雲去着靴渡水來  
昭君則往胡西施則歸越  
曉月尋花去春風帶酒歸

蜀先主三顧孔明於草廬  
文王爲世子日見王季三  
爲己鎖者多爲他鎖者少  
野水浮輕舟淡淵生紫蓴  
晚來望樓上多是網魚人  
山晚雲和雪天寒月照霜  
烏宿池邊樹僧敲月下門  
舜無卓錫地禹無十戶衆  
狗吠乞兒後牛耕農夫前  
赦有罪寵女斬無罪卑女



聖人無恒心以民心爲心  
可憐傅大士處處失樓閣  
枯木倚寒崑三冬無暖氣  
隨流常出沒不滯往來蹤  
良匠無棄材明君無棄士  
相見元無事不來却思君  
涅槃心易明差別智難入  
日出乾坤耀雨收山岳青  
頭角混泥塵分明露此身  
珠藏澤自媚玉韞山含輝

聖僧堂裡坐金剛門外立  
仗策謁天子驅馬出關門  
牀頭三尺劍瓶裏一枝梅  
國破山河在城春草木深  
打破鳳林關著靴水上立  
屋裏人不見蘆折雁何之  
一言纔出口地上繡網開  
枕有思鄉淚門無問病人  
塵埋床下履風動架頭巾  
麝香眠石竹鸚鵡啄金桃



棹穿輕靄去帆逐暮烟歸  
一二三四五六七八九十  
折脚鐺內煎猫頭煮鳩羽  
窮鼠反咬猫鬪雀不畏人  
水廣則魚大君明則臣惠  
隔牆弄胡蝶臨水擲蝦蟆  
大明無私照至公無私親  
山果青猿摘池魚白鷺銜  
鶻欲搏者潛螻欲伸者屈  
生蛇入竹筒盲龜入空谷

文王一怒而安天下之民  
一呼百諾來一笑萬人賀  
語不令人會須得人譯之  
朝見雲片片暮聽水潺潺  
歸來坐虛室夕陽在吾西  
打破蔡州城殺却吳元濟  
金屑眼中翳衣珠法上塵  
三描仙不就終不與君傳  
古松談般若幽鳥弄真如  
羊便乾處臥驢揀濕處尿



岩前瑞草多，磧下靈苗足。  
有錢千里通，無錢隔壁聾。  
舉目望江山，遍界無相識。  
山向岳邊止，水流海上消。  
月落潭無影，雲生山有衣。  
燈籠上作舞，露柱裏藏身。  
一點梅花藥，三千世界香。  
長者長法身，短者短法身。  
山花開似錦，澗水湛如藍。  
說說衆生說，三世一時說。

雪消山骨露，雲出洞中明。  
掬水月在手，弄花香滿衣。  
春色無高下，花枝自短長。  
石壓笋斜出，岸懸花倒生。  
一二三四五，直道三二一。  
一莖兩莖曲，三莖四莖斜。  
萬口同一舌，四海同一家。  
十方無壁落，四面又無門。  
維摩懶開口，枝上一蟬吟。  
清流無間斷，碧樹不曾凋。



只許老胡知不許老胡會  
不因夜來鴈爭知海門秋  
一夜落花雨滿城流水香  
天共白雲曉水和明月流  
元是一精明分爲六和合  
一句定乾坤一劒平天下  
高捲吟中箔濃煎睡後茶  
風定花猶落鳥鳴山更幽  
大千沙界內一箇自由身  
千江同一月萬戶盡逢春

君看雙眼色不語似無愁  
笠重吳山雪履香楚地花  
有水皆含月無山不帶雲  
一句合頭語萬劫繫驢橛  
出門逢釋迦入門逢彌勒  
白鷺沙汀立蘆花相對開  
汲水疑山動揚帆覺岸行  
識取鉤頭意莫認定盤星  
虛空無背面烏道絕東西  
踏破澄潭月穿開碧落天



終日走紅塵失却自家珍  
寰中天子勅塞外將軍令  
清風拂明月明月拂清風  
斬得匈奴首還歸細柳營  
西川斬畫像陝府人頭落  
易分霜裏粉難辨雪中梅  
遶溪今歲柳傍竹去年梅  
九夏寒岩雪三冬枯木花  
寥寥天地間獨立有何極  
養子莫教大大了作家賊

在江南爲橘在江北爲枳  
皮膚脫落盡唯有一真實  
聽雨寒更盡開門落葉多  
臥龍纔奮迅丹鳳便翱翔  
只得雪消去自然春到來  
隨流認得性無喜亦無憂  
閉門推出月穿井鑿開天  
只知途路遠不覺又黃昏  
踈簾見雪卷深戶映花關  
無風荷葉動決定有魚行



定龍蛇眼正擒虎兕機全  
羅籠不肯住呼喚不回頭  
東家杓柄長西家杓柄短  
青山自青山白雲自白雲  
兩頭俱截斷一劍倚天寒  
秦樓歌夜月魏闕醉春風  
俊鳥不栖林活龍不滯水  
平原秋樹色沙麓暮鐘聲  
脫却娘生袴還著破襦衫  
譬如翻錦機背面共是花

松樹千年翠不入時人意  
相逢不相識共語不知名  
試搖枝頭雪定有夜來花  
移花兼蝶到買石得雲饒  
西川十樣錦添花色轉鮮  
碧玉盤中珠瑠璃殿上月  
月到中秋滿風從八月涼  
高高峰頂立深深海底行  
水帶荷花白烟和楊柳青  
坐石雲生衲添泉月入瓶



秋風吹渭水落葉滿長安  
趙王因好劔闔國人帶刀  
鶴飛千尺雪龍起一潭冰  
相逢不下馬各自走前程  
牛飲水成乳蛇飲水成毒  
被他獅子皮還作野干鳴  
不遊三級浪爭識禹門高  
不因射鵬手誰識李將軍  
鬧市裏天子百草頭老僧  
臂長衫袖短脚瘦草鞋寬

青山元不動白雲自去來  
到江吳地盡隔岸越山多  
宇宙無雙日乾坤只一人  
鯨吞海水盡露出珊瑚枝  
扶過斷橋水伴歸無月村  
華岳連天碧黃河混底流  
明鏡忽臨臺當下分妍醜  
格外辨龍蛇機前擒虎兕  
削圓方竹杖輓却紫茸氎  
幽鳥語喃喃辭雲入亂峰



誰知砧杵裏有此斷腸人  
桑樹豬摺背長江鴨洗頭  
風吹南岸柳雨打北池蓮  
青天轟霹靂陸地起波濤  
劍刃上求人電光中垂手  
柳色黃金懶梨花白雪香  
枯木裏龍吟髑髏裏眼睛  
大隱隱朝市小隱隱山林  
打鼓弄琵琶相逢兩會家  
撒手長空外時人總不知

幽州猶自可最苦是江南  
曲終人不見江上數峯青  
玉樓巢翡翠金殿鎖鴛鴦  
玉向泥中潔松經雪後貞  
富嫌千口少貧厭一身多  
鳥啼人不見花落木猶香  
春山疊亂青春水漾虛碧  
座上無老僧目前無闍梨  
石火迸青天旱雷轟宇宙  
野火燒不盡春風吹又生



雨中看杲日火裏酌清泉  
若識琴中趣何勞絃上聲  
水上青青翠元來是浮萍  
苦瓠連根苦甜瓜徹蒂甜  
不唯騎虎頭亦解收虎尾  
只見錐頭利不知鑿頭方  
錯認驢鞍橋作阿爺下頷  
貪看天上月失却掌中珠  
江上思驢客人間失馬翁  
十年歸不得忘却來時道

只可自怡悅不堪持贈君  
泉聲中夜後山色夕陽時  
陰陽不到處一片好風光  
劫石有消日洪音無盡時  
山河並大地全露法王身  
不雨花猶落無風絮自飛  
前頭說一體這裏說不同  
昨夜一聲雁清風萬里秋  
手把白玉鞭驪珠悉擊碎  
月高城影盡霜重柳條疎



聞說愁難遣斯言謂不真  
長伸兩脚睡無僞亦無真  
世尊有密語迦葉不覆藏  
瓠子曲彎彎冬瓜直儻侗  
暗裏施文彩明中不見蹤  
誰知遠烟浪別有好思量  
多年籠中鳥今日負雲蜚  
我行荒草裏汝又入深村  
若不同床臥爭知被底穿  
詩向會人吟酒逢知己飲

相識滿天下知心能幾人  
久旱逢初雨他鄉遇舊知  
始隨芳草去又逐落花回  
欲得周郎顧時時誤拂絃  
國清才子貴家富小兒驕  
棒下無生忍臨機不讓師  
直透萬里關不住青霄裡  
雲掩仲秋月雨打上元燈  
死脫夏天衫生著冬月襖  
破鏡不重照落花難上枝



劍刃上走馬火焰裏藏身  
覓火和烟得擔泉帶月歸  
巧匠運斤斧斫木不揮繩  
出沒太虛中吹毛曾不動  
石從空裏立火向水中焚  
劍握飯人手魚在謝郎船  
威雄震十方聲價動寰宇  
海枯終見底人死不知心  
看盡瀟湘景和舟入畫圖  
神通並妙用荷水也搬柴

行到水窮處坐看雲起時  
西風一陣來落葉兩三片  
泣露千般草吟風一樣松  
此夜一輪滿清光何處無  
一片月生海幾家人上樓  
高山白浪起海底紅塵颺  
似虎多雙角如牛欠尾巴  
出林虎方怒橫岡蟒正嗔  
將謂胡鬚赤更有赤鬚胡  
天台華頂秀南岳石橋高



十方無虛空大地無寸土  
松無古今色竹有上下節  
桃花零落盡何處見靈雲  
仰面不見天低頭不見地  
傭他癡聖人擔雪共填井  
千山鳥飛絕萬徑人跡滅  
孤舟簑笠翁獨釣寒江雪  
吾本來此土傳法救迷情  
一華開五葉結果自然成  
若人求佛慧通達菩提心

父母所生身速證大覺位  
結廬在人境而無車馬喧  
問君何能爾心遠地自偏  
採菊東籬下悠然見南山  
山氣日夕佳飛鳥相共還  
此間有真意欲辨已忘言  
坐看烟霞秀不與白雲齊  
一氣走五百里更不回頭  
曉送千峰日春回大地華  
花開無根樹魚跳萬仞峰



鵝蚌爭不休終入漁人手  
花開多風雨人生足別離  
露地藏白牛長空吞日月  
猛將立雄基誰窺其藩籬  
溪聲洗耳清松蓋觸眼綠  
僧投寺裡宿賊打不防家  
武陵春已老臺謝綠陰多  
一九與二九相逢不出手  
衲被蒙頭坐冷暖了無知  
湖光迷翡翠草色醉蜻蜓

依稀松屈曲彷彿石爛斑  
鐵蛇鑽不入鐵鎚打不碎  
罕逢穿耳客多遇刻舟人  
鳥栖無影樹花發不萌枝  
動容揚古路不墮悄然機  
三尺與丈六且同携手歸  
欄干雖共倚山色看不同  
昨夜寒風起今朝括地霜  
九月十三晴釘靴掛斷繩  
三月初三雨桑葉無人取



木馬飛上天泥牛走入海  
房房虛索索東壁打西壁  
煙歸碧海夕鴈度青天時  
削足而適履殺頭而便冠  
鵠欲搏者潛螻欲伸者屈  
角婢紅羅纈闍奴紫錦裳  
擊碎擊碎不擊碎增瑕類  
深山古廟裡無轉智大王  
言鋒冷似冰利舌硬如鐵  
烹魚煩則碎治民煩則散

蘆花映明月明月映蘆花  
雪庭一滴血染出少林春  
山虛風落石樓靜月侵門  
霧海之南針夜途之北斗  
謂火不燒口謂水不溺身  
薪盡火滅後密室爛如泥  
抱妻罵釋迦醉酒打彌勒  
雪續溪橋斷煙彰山舍藏  
吾心似秋月碧潭澄皎潔  
父頑母嚙象傲克諧以孝



十一字  
子在齊聞韶三月不知肉味  
欲知佛性義當觀時節因緣  
好一釜羹被兩顆鼠糞污却  
萬劫難遇有密義不說不說  
蘭生幽宮不爲莫服而不芳  
五穀入而秦喜殺出而燕懼  
可憐渾沌氏七日而其死乎  
鐸以聲自毀膏燭以明自鑠  
盡十方法界盡是自已光明

道得三十棒道不得三十棒  
衲僧門下一毫不偷常住物  
秦時轆轤鑽貶向大食國裏  
見秋毫之末者不自見其睫  
舉千鈞之重者不自舉其身  
君子之言幽而必有驗于明

十二字

士爲知己者死女爲悅己者容  
喜則濫賞無功怒則濫殺無罪  
游宴中有鳩毒談笑中有戈矛



雲無心以出岫鳥倦飛而知還  
聽鐘知有古寺見烟覺有野村  
一人辯如懸河一人口似木訥  
只此一圈攣天下衲僧跳不出  
我心憂傷念昔先人明發不寐  
獅子不咬麒麟猛虎不食伏肉  
蔽芾甘棠勿剪勿伐召伯所茇  
厭浥行露豈不夙夜謂行多露  
彼采艾兮一日不見如三歲兮  
戰戰兢兢如臨深淵如履薄冰

詩三百一言以蔽之曰思無邪  
唯堯則之蕩蕩乎民無能名焉  
妙高峰頂行船揚子江上走馬  
迦葉聞箏起舞淵明聞鐘皺眉  
燈籠跳入露柱佛殿走出山門  
爲君欲盡君道爲臣欲盡臣道  
一人跨三脚驢一人騎三角虎  
三家村裏交眉萬仞崖頭移步  
有斐君子如切如磋如琢如磨  
商鞅立法車轢吳起刻剝肢解



誰有取親喪沐浴着珠而行者  
啓予手啓予足今而後吾知免  
云切忌誑亂好人家男女便打  
心空無相而其妙用通貫十方  
以德勝人者昌以力勝人者亡  
譬如北辰居其所而衆星拱之  
將謂龍頭蛇尾誰知蛇尾龍頭  
一指指狗子一指指主事出去  
奪却衣鉢曰爲什麼在某手裡  
乞火不若取燧寄水不若鑿井

求美則不得美不求美則美矣  
縱令驕驕捉鼠則不及跛猫兒  
坐中有江南客樽前莫唱鷓鴣  
變大地爲黃金攪長河爲酥酪  
只見溪回路轉不知身在桃源  
震之東兌之西離之南坎之北  
坐斷千聖路頭打破群魔境界  
天際日上月下檻前山深水寒  
去年梅今歲柳顏色馨香依舊  
獅子不冷鷓殘快鷹不打死兔



面上夾竹桃花肚裏參天荆棘  
父有迷子之訣子有打爺之拳  
毒蛇鼻頭揩痒饑鷹爪下奪肉  
猛虎口中奪鹿饑鷹爪下分兔  
趙璧本無瑕類相如謾誑秦王  
驚走陝府鐵牛嚇殺嘉州大象  
南瞻部州展鉢西瞿耶尼喫飯  
雲無心而出岫水盈科而或流  
破布囊裡眞珠識者方知是寶  
靈山河沙聖衆黃梅七百高僧

丹之所藏者赤漆之所藏者黑  
家貧難辨素食事忙不及草書  
只有受壁之心全無割城之意  
利劍斬處無痕殺活咸歸劍下  
不住圓覺伽藍不守三期禁制  
登山則戮虎豹入水則斬蛟龍  
王孫遊兮不歸春草生兮萋萋  
上無片瓦蓋頭下無寸土立足  
一喝大地震動一棒須彌粉碎  
口欲談而辭喪心欲緣而慮亡



遇唐虞則禮樂逢桀紂則干戈  
水至清則無魚人至察則無徒  
拈卻膩脂帽子脫卻鶻臭布衫  
日月照臨不到天地蓋覆不盡  
相罵饒備接背相唾饒備潑水  
展則彌綸法界收則毫髮不立  
逐鹿者不見山攫金者不見人  
從來把本修行不敢棄捐因果  
諸天捧花無路外道潛覷不見  
喚北斗作南辰轉金烏作玉兔

木札羹鐵釘飯使人吞吐不下  
屋漏望見青天帶累金剛發願  
糞箕掃帚拈起便行誰分先後  
淨裸裸絕承當赤洒洒沒窠臼  
離婁不辨正色師曠豈識玄絲  
猛虎領下金鈴蒼龍窟裏明珠  
說盡江湖風波論量柴米貴賤  
小麥化成蝴蝶蚯蚓化成百合  
意踏毘盧頂顛行拜兒童足下  
六王畢四海一蜀山兀阿房出



十三字

有佛處住不得無佛處急須走過  
水碓三千餘口他珍寶貨賄稱之  
發憤忘食樂以忘憂不知老將至  
行雲流水墜葉飛花爲君舉揚久  
不動聲色而措天下於泰山之安  
父召不用諾君命召不俟駕行矣  
亂者治之本亂極則治治極則亂  
胡王好音而秦穆公以女樂誘之  
鄭州黎青州棗萬物無過出處好

我這裡一種亦不要况二種三種  
聖人不凝滯於物而能與世推移  
人性上不可添一物若有須吹滅

十四字

都府樓纔見瓦色觀音寺只聽鐘聲  
山家富貴銀千樹漁父風流玉一簑  
三千世界海中漚一切賢聖如電拂  
金爐香盡漏聲殘剪剪輕風陣陣寒



春色惱人眠不得月移花影上欄干  
春江潮水連海平海上明月共潮生  
墜葉雖憐疎雨感黃梁爭似暮雲親  
珊瑚枕上兩行淚半是思君半恨君  
梅邊殘月無疎影竹裏清風有落花  
深溪絕無樵子語陰崖却有獵人來  
短袴長衫白苧巾咿咿月下急推輪  
洛陽路上相逢著悉是經商買賣人  
南村北村雨一犁新婦餉姑翁哺兒  
桑柘影斜秋社散家家扶得醉人歸

太液芙蓉未央柳芙蓉如面柳如眉  
白髮田家一老翁欲行翻更伏兒童  
新婦面上添笑靨却向錦繡幕裡行  
莫嫌襟上斑斑色是妾燈前滴淚縫  
蛺蝶飛來過牆去却疑春色在隣家  
風前腸斷趙如意錦繡帳中有呂后  
死鼠周人之玉璞山雞楚國之鳳凰  
深林漏月寒猿叫舊巢受風宿鶴鳴  
古殿深沈曉未開玉簫吹徹鳳凰臺  
穿花蛺蝶深深見點水蜻蜓款款飛



一重山盡又一重話盡山雲海月情  
壺中自有佳山水終不重尋五老峰  
願待來年蠶麥熟羅喉羅兒與一錢  
長安風月明於晝那箇男兒摸壁行  
戰矣哉暴骨沙礫降矣哉終身夷狄  
越王勾踐破吳歸義士還家盡錦衣  
宮女如花滿春殿只今唯有鷓鴣飛  
夢回一曲漁家傲月淡江空見白鷗  
歸馬于華山之陽放牛于桃林之野  
白狼河北音書斷丹鳳城南秋夜長

山西老將尙童顏曾臂紅旗到賀蘭  
巨鰲莫戴三山去吾欲蓬萊頂上行  
勸君盡此一杯酒西出陽關無故人  
抖擻多年穿破衲襤褸一半逐雲飛  
千峰雨霽露光冷月落松根蘿屋前  
擬寫等閑此時意一溪雲鎖水潺潺  
妙峰孤頂難人到只看白雲飛又歸  
松檜蒼蒼歷幾歲莫教嵩畔鳥聲稀  
千溪日晚樵歌路歸去來兮歸去來  
破了當年重用去和煙搭在玉欄干



滿地落花春已過綠陰空鎖舊莓苔  
蕙帳空兮夜鶴怨山人去兮曉猿驚  
雨前初見花間葉雨後兼無葉底華  
由基矯矢而猿號蒲且虛絃而鳧落  
青山綠水草鞋底明月清風拄杖頭  
奔車之上無仲尼覆舟之下無伯夷  
一粒粟中藏世界半升鎗內煮乾坤  
黃金打就玉鸚鵡一聲聲作鷓鴣鳴  
安禪不必須山水滅却心頭火亦涼  
雲在嶺頭閑不徹水流澗下太忙生

徐行踏斷流水聲縱觀寫出飛禽跡  
昨夜泥牛鬪入海直到而今無消息  
一與山門作境致二與後人作標榜  
竹影拂階塵不動月光穿沼水無痕  
趙州狗子無佛性萬疊青山藏古鏡  
赤脚阿師入大唐八臂那吒行正令  
滕王高閣臨江渚佩玉鳴鑿罷歌舞  
畫棟朝飛南浦雲朱簾暮捲西山雨  
閣中帝子今何在檻外長江空自流  
得成比目何辭死願作鴛鴦不羨仙



羅襦寶帶爲君解燕歌蝶舞爲君開  
的的朱簾白日映娥娥玉顏紅粉粧  
傾國傾城漢武帝爲雲爲雨楚襄王  
願作輕羅著細腰願爲明鏡分嬌面  
與君相向轉相親與君雙棲共一身  
此翁白頭真可憐伊昔紅顏美少年  
公子王孫芳樹下清歌妙舞落花前  
機中織錦秦川女碧紗如煙隔窓語  
停梭悵然憶遠人獨宿空房淚如雨  
脫帽露頂王公前揮毫落紙如雲烟

身在南蕃無所預心懷百憂復千慮  
終年無客長閉關終日無心長自閑  
江天一色無纖塵皎皎空中孤月輪  
玉戶簾中卷不去擣衣砧上拂還來  
丹鳳朱城白日暮青牛紺幘紅塵度  
蛾眉螭首一群女各挾花枝錦繡肩  
吳宮花艸埋幽徑晉代衣冠成古丘  
絳幘雞人報曉籌尙衣方進翠雲裘  
陌上堯樽傾北斗樓前舜樂動南薰  
回風度雨渭城西細草新花踏作泥



西望鄉關腸欲斷對君衫袖添痕斑  
春山無伴獨相求伐木丁丁山更幽  
紅粉青蛾映楚雲桃花馬上石榴裙  
雲想衣裳花想容春風拂檻露華濃  
解釋春風無限恨沉香亭北倚欄干  
夜發清溪向三峽思君不見下渝州  
地轉錦江成渭水天迴玉壘作長安  
少帝長安開紫極雙懸日月照乾坤  
故人西辭黃鶴樓煙花三月下楊州  
日落長沙秋色遠不知何處弔湘君

朝辭白帝彩雲間千里江陵一日還  
兩岸猿聲啼不住輕舟已過萬重山  
平陽歌舞新承寵簾外春寒賜錦袍  
却恨含情掩秋扇空懸明月待君王  
真成薄命久尋思夢見君王覺後疑  
閨中少婦不知愁春日凝粧上翠樓  
秋天曠野行人絕馬首東來知是誰  
黃沙百戰穿金甲不破樓蘭終不還  
料頭箕踞長松下白眼看他世上人  
孰知不向邊庭苦縱死猶聞俠骨香



草色青青柳色黃桃花歷亂李花香  
馬上相逢無紙筆憑君傳語報平安  
今夜不知何處宿平沙萬里絕人煙  
胡笳一曲斷人腸坐客相看淚如雨  
庭樹不知人去盡春來還發舊時花  
借問故園隱君子時時來往住人間  
此曲祇應天上有人間能得幾回聞  
鄭子將行罷使臣囊無一物獻尊親  
已收滴博雲間戍欲奪蓬婆雪外城  
髑髏盡是長城卒日暮沙場飛作灰

借問梅花何處落風吹一夜滿關山  
一擲千金渾是膽家無四壁不知貧  
唯有夜猿知客恨嶧陽溪路第三聲  
月落烏啼霜滿天江楓漁火對愁眠  
垂死病中驚坐起暗風吹雨入寒窓  
却嫌脂粉污顏色淡掃蛾眉朝至尊  
無端更渡桑乾水却望并州是故鄉  
趙女乘春上畫樓一聲歌發滿城秋  
明月自來還自去更無人倚玉欄干  
年年歲歲花相似歲歲年年人不同



雲遮劍閣三千里水隔瞿塘十二峯  
朶朶湖山千古佛重重煙樹一樓臺  
雨散雲收山嶽露珊瑚枝上掛金鉤  
蓮社當年結未齊遠公頭若暮雲低  
秦不耕兮漢不耘饁頭邊事杳無聞  
年來又有秋成望三合清風半合雲  
青燈夜雨湘江上添得平沙落雁圖  
黃河界上空來往直至而今未樹功  
鐵鞋無底飽風霜歲晚歸來臥石床  
一對眼睛烏律律半隨雲影掛寒堂

鼠入錢筒技已窮十年蹤跡眼頭空  
而今又問平田路山舍半吹黃落風  
萬里煙塵一點無太平時節合歡娛  
宿鷺亭前風擺柳錦官城裡雨催花  
天無四壁地無門何處堪埋阿母身  
三皇五帝是何物辛苦曾經二十年  
盡情收拾歸家去半掩柴扉春晝長  
藥忌是誰除不得夜深飢鼠觸燈臺  
讀到三行多一句黃金色上更添黃  
一聲玉笛起高樓狼藉梅花滿地休



只知牛瘦角不瘦不覺心高句亦高  
三喚砒霜藏石蜜三應笑面露愁腸  
寃親平等秋天月影入恒河不止痕  
月沈野水光明藏蘭吐春山古佛心  
理盡詞窮路亦窮鳳離金網鶴拋籠  
誰把金梭橫玉線織成十丈錦通紅  
長天粘水水粘天一片冰輪上下圓  
茗箒用來隨日禿塵埃難上簸箕唇  
五臺山上雲蒸飯古佛堂前狗尿天  
刹竿頭上煎餛飩子三箇獼猴夜簸錢

玄都觀裏桃千樹盡是劉郎去後栽  
燒甄打著連底冰赤眼撞著火柴頭  
萬山不隔今夜月一片清光分外明  
巫峽山頭窈窕女朝爲行雲暮爲雨  
名花傾國兩相歡常得君王帶笑看  
山頭月掛雲門餅屋後松煎趙州茶  
鑊湯爐炭清涼界劒樹刀山遊戲場  
竹中一滴曹溪水漲起江西十八灘  
八角磨盤空裡足金毛獅子變成狗  
佳人一笑嬋妍又斷盡人間寸寸腸



山影入門推不出月光鋪地掃不盡  
東行西行天地寬左轉右轉珠走盤  
八角樹上魚生子急水灘頭鳥掛巢  
聞鐘則宿雲外寺見月則上湖邊樓  
童子不知霜雪苦只取瓦礫打寒水  
翡翠踏翻荷葉雨鷺鷥衝破竹林烟  
春入千林處處花秋沉萬水家家月  
坐中若有江南客聽取鷓鴣聲外聲  
一聲羌笛離亭晚君向瀟湘我向秦  
青蛇上竹一種色黃蝶隔牆無限情

駿駒一躍三千界空解門前下馬臺  
荷葉團團似鏡菱角尖尖似錐  
風吹柳絮毛毬走雨打梨花蛺蝶飛  
久雨不晴看丙丁久晴不雨看戊己  
一戰功成早掣身釣竿輕動五湖雲  
洛陽三月春如錦多少工夫織得成  
一心只在梅花上凍損吟身也不知  
若教轉眄一回首三十六宮無粉光  
茅簷相對坐終日一鳥不鳴山更幽  
學道之人不知真只爲從前認識神



無始劫來生死本痴人喚爲本來身  
閒蟻爭曳蜻蜓翼忙燕並憩楊柳枝  
蠶婦携籃多菜色村童偷筍過疎籬  
不因紫陌花開早爭得黃鶯下柳條  
耳裡藏得須彌山眼裡著得四大海  
春風春雨又開花春雨春風又落花  
無邊刹界浪痕平獨駕泥牛耕月色  
晴川歷歷漢陽樹芳草萋萋鸚鵡洲  
紅霞碧靄籠高低芳艸野花一樣春  
隨緣來矣隨緣去掛角羚羊不見蹤

莫怪坐來頻勸酒自從別後見君稀  
滿面塵灰煙火色兩鬢蒼蒼十指黑  
薄暮層巒雲擁腰傾盆一雨定明朝  
暴富乞兒休說夢誰家竈裡火無烟  
通身罪犯是黃金對面極贓而拷賊  
橫拈鎊錫居閩外當鋒誰最夜重圍  
遠公遁跡廬山嶺開士幽居祇樹林  
白水滿時雙鶴下綠槐高處一蟬吟  
平生報國心如火一夜春風吹作灰  
寒時普天普地寒熱時普天普地熱



爐中有火無心撥處處縱橫任意遊  
彼此征途雖有異須知同日到天庭  
虛名萬事雪填井幻影百年風繫繩  
我儂更勝渠些子說到驢年不點頭  
風送泉聲來枕上月移花影到窓前  
微子去之箕子爲之奴比干諫而死  
衆生無邊誓願度煩惱無盡誓願斷  
法門無量誓願學佛道無上誓願成  
依然百丈山頭月五百生前汝是誰  
無業一生莫妄想瑞岩只喚主人公

空山白日蘿窓下聽罷松風午睡濃  
孤猿叫落中岩月野客吟餘半夜燈  
梅花嘲笑槐安事燕舞鶯歌半熟中  
其安也潛鱗在淵其逸也翔鳥脫絆  
掀翻海岳求知己撥亂乾坤建太平  
了髮子女畫蛾眉鸞鏡臺上話似癡  
自說玉顏難比並却來架上著羅衣  
昨日友今日冤讎昨日花今日塵埃  
金果早朝猿摘去玉花晚後鳳啣來  
四五百條花柳巷二三千處管絃樓



波上碧雲翻雨露日中青蓋廢龜魚  
釣鼈時下一圈攀天下衲僧跳不出  
忠臣不仕於二君貞婦不見於兩夫  
銀盃盛來千世界冰壺映徹十虛空  
黑風袞袞六花輕天列陰崖勢欲傾  
夜深各自知寒冷莫待齊腰三尺深  
泉石膏肓不可醫曉鐘吟到夕陽時  
昨夜七峰牽老興千思萬想到天明  
一從謫落就柴荆萬死兢兢跼踖情  
山如洛下層層出江自巴中渺渺來

數聲清磬是非外一箇閑人天地間  
雲耶山耶吳耶越水天髣髴青一髮  
樹色到京三百里河流入漢三千年  
言言言飄雨灑雪默默雷轟電掣  
藕絲孔裡騎大鵬等閑撲落天邊月  
人間天上可憐生清平世界添荆棘  
眸裏山川皆白盡埋殘草屋一絲煙  
漚生漚滅水還在風急浪平月印潭  
不因風捲浮雲淨爭見長空萬里天  
子曰參乎吾道一以貫之曾子曰唯